

Nuorttanaste

»Gæca dam Ibmel labba,
gutte mailme suddo guodda!«

»Son dagai rafhe su ruosa
varai bokte.«

No. 4.

11ad jakkegærdde.

»Nuorttanaste« maksa ovta kruvna jakkoda
gast, blaðde dinggujuvvu juokke poasta-
rappe lutte.

28ad Februar 1909.

»Nuorttanaste« olgusboatta guovte gærde
manost — dam 15ad ja dam 30ad bæive
juokke manost.

Hærra væketa.

Muttom sardnedægje oktan bærraşines asaı muttom boaito baikest Amerikast. Aiggaiboado dafhost læi maņast mannam. Juovlak lakkanegje ja dalvve læi čoas-kes ja garas. Dat læi okta garra jakke dat jakke 1893. — olmai jodi birra ja čoaggalmasai doalai bastelas buolašen, ja biktasak legje nu uccan atte i læm bivvam-doarvve oktober manostge, manga gærde i læm frokostborramuššan ærago tægjakoappo ja goikke laibbe bitta.

Akka muittala:

„Mon duognadim min biktasid lossa mielain. Monno barneguovtos læiga dærvas, mutto monno ucca nieidaš, gæn namma læi Ruth, skibadi ja læi hurvas. Olbmuk birrasin legje buorek; mutto dam garra dalve læi buokain račča birggit ječaines, juokkehaš ferti soattat su ječaš soades. Maņaşassi algi mu osko skievččot, dal go mon ænemusat dam darbašegjim. Nuorravuoda beivinam legjim mon oappam Ibmela valddet su sanes ala, ja mou jurdašim, atte mon mattim dam lævso bagjel. Mon legjim loppadusaid alde ællam sevdnjis aigin, dassači go mon Davidin dittim, gi mu bakte ja lonistægje læi. Mutto dal im sattam mon rokkadallat ærago andagassi addujume

Ibmelest. Mu mielast oroi, atte Ibmel læi aibas guoddam min; mutto mon im muittalam oktige mu jurddagidam.

Juovlak lakkanegje æmbo ja æmbo. Monno manak vurdde juovlla-addaldagaid oažžot, ja si rokkadalle Ibmela væketet sin dassa. Juovlla-iddid bodi, ja mu boadnja ravkkujuvvui muttom buocce lusa. Mon ovta linne giessalegjim su čæbat birra ja savkkalegjim su bælljai ovta bibala loppadusain, nuftgo mon juo lavvijim dakkat; mutto sanek ororo dego jabmimen mu baksami ala. Dat læi okta sevdnjis ja doaivotes bæivve. Mon dam ækkek bigjim manaid arrad sengi, ja go mon čokkajim Ruth oad-dem-saje baldast, gullim mon su maņnemussi rokkadallamen, atte Hærra addaši sudnji ovta dokka. Ja go son læi gærggam rokkadallamest, de celki son: „Mon jakam, atte dat boatta arad iddest.“

Mon ballim, atto son daidda šaddat duššaš vuorddet, ja gadjalal botte mu čalmin go mon dam ala jurdašegjim.

Mu boadnja bodi sidi maņneđ, son læi gollum ja vaibbam; ja go mon gæčastegjim su muođoidi, de oidnim mon dam sevdnis dorvotesvuoda, ja mu jurddagi bodi dallanaga, de dal læ mu boadnjage doaivo massemen. Mon tæja njořrijim sudnji; mutto mon

dovdim ječam buoccen ja navca-tæbmen. Son doppi mu gieđa ja moai čokkaime muttom aige aibas jednadkætta. Mu dovdok legje daggarak, atte goasse dajam, atte Ibmela loppadusak æi læk duodak.

Mu boadnja ujuikki fakkistaga bajas. Biello-čuogjam gullui olgobæle, okta garra goalkotæbme uvsala, ja okta særvvegodde vuorrasin bođi uksaraige sisa.

„Mon buvtam ovta kasa digjidi, celki son, »ja mon gæčim dam buktet digjidi; dastgo mon jakam, atte dam siste læ juoga digjidi juovlaidi. Da læ vebaš Bierggo ja okta potetosækka ja vebaš jafok mu akast.«

Go olmai kasa læi guoddam sissa manai son.

Mu boadnja valdi vœčara ja rabai kasa, ja dobbe itte dasto manga darbašlaš dinga: nuftgo biktasak, borramušgalvvo ja færa mi. Mu mielast oroi dasto dego Ibmel mu ala gæčai rangon-čalmiguim mu uccan jako diti Mu boadnja čokkani vuolas ja čiegai muođoides gieđaides gaski.

„Mon im satte dam duottadet, celki son, »mon læm læmaš æppeoskolaš, dal go Ibmel mu gæččali oaidnem diti bisom go mon oskost. Dal satam mon ječam guoratallama bokte sardnot dam hirbmada birra, atte erit jorralet Ibmelest.«

„Jovna« (uoft læi boadnja namma) celkkim mon, »rokkadallu moai Ibmelest andagassi suddome.«

„Vuorddel vebaš, rakkasažžam, vastedi son ja manai muttom kammarri. Mon mannim čibbidam ala. Sævdnjadvuotta gaidai mu sielost. Mu mielast oroi dego Jesus sarnoi mudnji dai daid divras sanid: »Nieidačam.«

Hærvas sanek rakisvuoda ja ilo birra botte mu silloi. Mon legjim nuft devddujuvvum gittosin ja maidnomin, atte mon vajaldattim buok, ja go Jovna sisa boði, oidnim mon, atte maidai son læi rafhe ožžom.

»Dal, mu rakis akašam, gito moai Ibmela ovtast. Soai gitiga dasto Ibmela bibala saniguim. Klokka læi 11. Dolla oamanest læi mæsta eškam, ja kassa ain euožoi dast. Mi bijaimek muorai dolli, cakketaimek euvoga ja algimek darkkelæbbo iskat kasa sistdoalo.

Dobbe læi okta frakka, okta olles dressa, ja moai boagosteime ja eieroime dego guokta smava mana. Dobbe legje stevelak monnoidi guobašagaidi. Mu stevelin læi okta bapirbifta — must læ dat ain vuorkast, ja mon jurdašam dat arbben galgga mannat manaidi. Dak sistesek dolle Jakoba buristsivdnadusa Aseri:

»Ruovdest ja væikest lekus du smartte, ja nuft gukke go du bæivek lekus du vuoinadus. (5 Mos. 33, 25)

Ovtaid dalyvefacai sisa læi dat sæmma gietta eallam sedel ala Jovni:

Dastgo mon læm Hærra, du Ibmel, gutte doalam du nannoset du olgis giedast gutte ealkam dudnji: Ale bala! Mon væketam du.« (Es. 41, 13).

Dat læi okta imašlaš kassa.

Dobbe legje biktasak gandaidi ja okta ruksis vuolppo Ruthi. Læi maidai okta konvolutta, man siste legje 10 dollar rutta, ja vela gavdnujegje dam kasast dukkorasak manaidi.

Mi eieroimek dal ilost, ja mi oažžimek havskes juovlaid; dastgo Hærra læi min rokkadusa gullam.

Bassebæive-rafhe daihe sodnabæive basotæbme.

»Sagai Muittalægje« manemuš nummarin oidnujek muttomak eallemen bassebæive-rafhe birra, ja orro eajetæme, atte muttomak likojek dam rafhetesvutti, mi dam aiggai læ bivdoværain, ja muttomak fast æi liko. Muttomak fast arvvalek, atte ovta oasse sodnabæivest oažžo olmuš bassen adnet, mutto olles bæive fal i juolo dasa. Okta vela goeoe gæeadet Sameædnam dilalašvuodaid ja daid bigjat baldalagai Matheus evangelium 12 kapitalin las værsa rajest 8ad værsa

ragjai. Dam ođđa testamenta bittast muittaluvvu, atte Jesusa mattajægjek sabaten ribme gasket gordneoivid ja borrat, go si legje nælgest. Dat dal makka galgga dam sisasaddijægje mielast læt bæloštussan sabata daihe sodnabæive bagjelduolbmami.

Gæeadekop mi vebaš darkkelæbbo dam ealabitta, daiddep mi dalle boattet æra oaivveli. Judalažai gaskast legje moaddelagan ibmardusa sabata basseendoalo harrai. Farisealažak legje basseeallaga algo bakkomidi sabata basotæme birra lasetam manga njuolgadusa ja bakkoma sin ječasek oaivvela mielde; ja dak bakkomak ja njuolgadusak bukta dego mierka dam oaivvela bagjel, mi Ibmelest læi sabaatin. Mutto nuft i dpatuvvam aives-tassi Judalažai gaskast Jesusa beivin; mutto maidai dam Kristalaš girikko siskabælde læk juokke aiggai læmas moaddelagaš oaivvelak sabata daihe sodnabæive basotæme birra. Maidai min aigege læk manga arvvalusa dam ašest. Gæeadekop mi maggar bajas euvvggitusa mi daina bæstainek sanin (su vastadusast farisealažaidi) mattep viežžat.

Mi fuobmap vuostačîn dam, atte dat Hærra Jesusi aisege aiggom helttujubmaibuktet sabata basotæme Soni guđege sajest sarno dam lakai, atte dat nuft matta eilggijuvvut. Davja gavdnap mi su Judalažaid cuigodæme sin boasto ibmardusa diti sabata basotæme harrai, mutto æp oaine ovtage sane gostege, mi adda dam oaivvela, atte son mattajægjidies fria valdi sabata basseendoallamest. Olbmuk læk duhati mielde geppismielalažat lokkam Jesus sanid sabata birra, ja læk valddam daina dam oaivvela, atte goalmad bakkom i guoska šat kristalažaidi; mutto i gavdnu ođđa testamentast i sadnege, mi vuoiggadvuoda adda dam jakkoi.

Hærra i læk sabatbakkoma erit-skappom, mutto son læ buttestam dam værre eilggitusain ja olmušlaš lasatusain. Son i rottim 3ad bakkoma dam 10 bakkom gaskast erit, mutto dušše eritnuolai daid liggoid, mai sisa farisealažak legje garvotam dam, ja mai bokte dak legje saddam noadđen dam sagjai go dat lifei mat-tam læt buristsivdnadussan. 3ad bakkom guoska miggidi jure sæmma mađe dal, go dallego dat olgusaddujuvvui Sinai varest. Dat læ ain dal,

nuftgo læi ouddal Jesusa boattema ædnam ala, okta oasse Ibmela agalaš lagast, mast i galga oktage »euvvggastagašge nokkat.« Adnop mi dam alo muitost.

Nubbadassi oaidnep mi dam namatuvvum ealabittast, atte Jesus suovva min bassen barggat buokduotta darbašlaš bargoid ja buoklagas vaibmoladesvuoda bargoid. Mi oaidnep, atte Hærra bælošta mattajægjidies, go si legje gordneoivid borram sabaten. Dat læi okta barggo, maid eala suovai. 5 Mos. 23, 25 euožžo navt: »Go don boadak du lagamužad gordnebældo sisa, de don oažok gasket gordneoivid du giedainad, mutto euvpamruovde don ik oažo likatet du lagamužad gordnebældo bagjel.« Mattajægjek legje nælgest. Si darbašegje borramuša, damditi æi læm si ovtastge ansašam cuiggetusa. Mi oaidnep maidai Jesusa onddamærkaines eajetæme, atte dat i læm laga vuostai buocce buoredet sabatbæive, ja mi arvvedep dast atte buok vaibmoladesvuoda bargok legje lobalažak.

Min jakko læ maidai dat, atte jos sisasaddijægje »Sagai Muittalægjest« dam jakkegarde vuostas nummarest daggar aiggasaš dilest læ, atte son nælleggo, ige læk maid borra ja sukkala mæra ala oažžom diti guollemallasa, de son daggo bokte i suddod. Mutto jos son ja dak æra Sameædnam assek vierronæsek valdek bassen bivdet, de mi ballap, atte Sameædnam dilalašvuotta i buorran daina; dastgo sabata bagjelduolbmami læk goassege mieldesbaktam buristsivdnadusa, mutto æmbo garrodusa. Ja min oaivvel mielde algga sodnabæive kl. 12 lavvardagaija ja nokka kl. 12 sodnabæiveija. Mi loapatep dam bitta 3ad bakkoma saniguim:

»Muite, atte don bassen doalak vuoinadambæive!«

Sami airrasak gonagasa lusa.

Dæno viceordförar Pavelsen læi »Nuorttanaste« nr. 2. eallam dam birra, atte saddet gonagasa lusa »deputašona« ouddandoallam varas Sami gaibadusa, atte oažžot kristalašvuoda oapo skuvlaidi Samegilli.

Dat læi okta hui eabba ja jiermalaš arvvalus, maid Pavelsen dast ouddanbuvti, ja æppedæmest i læk,

atte daggar »deputašona i daga avke.«
Ja mi dam miedetæbmai boatta, de læm mon visses dam ala, atte juokke Sabmelaš, gutte buore suovva su ma-
neštboattidasas, mietta dasa. Dastgo mi oaidnep buokak dal moft manna, go kristalašvuoda oappo læ eritvaldum skuvlain. Oažžo riehta cækket, atte min našona manna ovta gabbos aige vuostai. Ja surggad læ diettet, atte dat nuorragærdde, mi dal oažžo su oapatusas dalaš skuvlain, æmbo oappa bakenvuoda go kristalašvuoda, ja mi boatta dast, atte kristalašvuoda oappo vuost oapatuvvu amas gilli ja dasto vela gavdnu dat hui uccan skuvlain dam aige. — — —

Pavelsen namati olbmaid, gæi gaskast dak 3 airrasa galgašegje valdujuvvut. Daid namatuvvum olbmaid i læk mikkege cækkamuššan; mutto dak guokta olbma, gæid Pavelsen namati Dænost, gal galgašæiga lonuuvvut nuorab olbmaiguin; dastgo mu oaiivvel mielde gavdnujek Dænost dasa dokkalaš olbma. Vuost aigom mon namatet Nils Pavelsen, gutte dam buorre arvvalusa ouddanbuyti, ja Henrik A. Henriksen. Soai læba buristdovddujuvvum ja arvostadnujuvvum sikke hæjomin ja allagin. Sodnost læk buorek luondo addaldagak ja buorek sardnomnavcak. Sodnost læ buorre bajasæuvvggitus ja goabbašagak læba soai čađa darolažak. Soai læba guktog bajasæuvvggitusa rakistægje ja halidæba, atte buok Samek oapašegje Darogiela ja ožušegje sænma ollo bajasæuvvggitusa go Dačak, nuft atte soai rakistæba darotuttem bargo lundolaš aši dafhost. Mutto soai goabbašagak halidæba, atte kristalašvuoda oappo oapatuvvu Samegilli Same manaidi ja atte daroduttembarggo i boade hette-tussan kristalašvuoda oapo ouddi.

Dasto læba soai juokke gielda doaimatusast čajetam ječasga dokkalažžan ja buorren, manditi soai læba buok gielda doaimatusain gidda. Jos »deputašona« galgga saddijuvvut, de daggar olbmaid, go soai læba, fertte danen valljit, gæk læk harjanam vahaš maidege ouddandoallat.

Diettalas læ, atte daggar ræisso maksa ruđaid, mutto jos duodai dam ala barggujuvvu, de farga dasa ruđak boadašegje. Mon jakam, atte Dačak, guđek rukistek Sabmelažaid ja mittek sin gaibadussi, maidai oaffarušašegje migjidi væke. Ja jos mi jurdašep

Dačain væke oažžot, de læ buoremus daggar olbmaid ouddanduktet, gæk læk dovdos vidasæbbot, guđek avkken adnek Darogieloapo ja guđek dam balddi dattok bisotet Samegiela, erinoamačet kristalašvuoda oapost.

Atte Pavelsen læ namatam olbmaid dušše Nuortta-Sameædnamest, dat i oro mu mielast burist heivven; dastgo dađemielde go mon læm boattam dovddat Oarje-Sameædnam olbmuid, de barggek sige hui viššalet Samegiela ala — namalassi dam bisotet ja oudedet. — Ja »Sagai Muittalægje« redaktora, oapatægje, A. Larsen, i læk uccemus dem ala barggam. Vaiko son gal læ uccan ja mælgad fuones gito dam oudast ožžom, de læ son daddeke stuora angervuodain barggam Same našona oudedet, manditi mon aigom namatet hr. Larsen nuft go goalmad olmai dam »deputašoni.« Dalle šaddaši maidai Oarje-Smeædnam mielde, ja diettalas boadaši dobbege vække ræiso olgusgoloidi. Ja gal væjašegje dak valljuvvum olbmak ječage lasetet vahaš daggar avkalaš ja suottases reissoi, maid si ožžuk. Ja jos dak golmas æi dokkeš dam bargo doaimatet, de i læk gal æra Sabmelažrige avkke vuolgatet. Muittujuvvut berre, atte Nils Pavelsen læ persovnalazat dovdos gonagasain, ja suotas lifči, atte min ucca Sabmelažas bæsaši gonagasa ouddi guoddet min govtolaš gaibadusa, masa son læ ješ algo dakkam, ja ruoktot maccat daina ilolaš muittalusain, atte min rokkus læ gullujuvvum.

Rakis Same vieljak, allop divte dam buorre arvvalusa duššas mannat; mutto dakkop buok, mi min famost læ, nuft atte dat ucca čuonanaš šaddaši stuora dollan, mi sataši ligget Sameædnam nuft atte dat galmasvuotta, mi dal læ dabe, fertteši erit bataret.

Muittop mi daid sanid: »Go mi dakkap buore, de allop mi vaiba.«

»Okta buore udnoja gje.«

Boacoguodotam-ašše.

Nuftgo mi juo ouddal læp muittalam, læ gukka læmaš naggo Ruoda ja Norga gaskast boacoguodotæme alde. Dat ruoda bæle boccuk læk læmaš ollo værranussan Norga assidi daggó bokte, atte læk ædnamid bilidam gæseaiige erinoamačet Tromsa amtast. Dam gæse dutkujuvvui dat ašše daro ja ruoda bæle valljuvvum

olbmain; mutto æi dak soappam. Ja nuftgo mæreduvvui Karlstadsiettadusast, galgga juokke ašše, mi dam guovte rika gaski boatta, ja mast i soppujuvvu, bigjut dam nuftgoččujuvvum »voldgift« duobmostuolo ouddi. Boacoguodotam-ašše læ dal bigjum dam rievte ouddi. Duobmaren dam riektai læk valljuvvum čuovvovaš 3 olbma: Darolas stifamtmand **G. W. Gram**, Ruotalaš dr. jur. **Ivar Afzelius** ja Danskalaš dr. jur. **Henning Matzsen**.

Bnokak dak olbmak galggek læk burist oappam laka-olbmak.

Bulgariast

læ merkkijuvvum ædnamdoargastus oarjagæččen ædnama. Sæinek viesoin luodnanadde ja ožžo raigid, ja olbmuk suorgganegje sagga balo diti. Fastain mañnel læi ædnamdoargastus garrasæbbo, nuft atte soames olmuš havvaduvai Muttom gavpugest læk bælek viesoin gæččam vuolas.

Bærralvagest muittaluvvu,

atte 2 Laddelaža, gæk læiga vine jukkam, bođiga okti gazaid. Dat nubbe čievčasti guoimes sængast guolbbai, nuft atte son gæččai fastet, oažoi raige oaivvai ja jami.

Ronvika

mielatemi assylast dappatuvai gieskad dat issoras dapatus, atte okta mielatæbme sorbmi ovta mielatemi gæččein. Son fati nibe ja čuggi su faktijægjes vaibmoi. Faktijægje jami dallanaga.

Højos aigek ain Amerikast.

Ædnag Ruotalažak læk gieskad boatam ruoktot Amerikast, gæk muittalek, atte dobbe læk ain čadag hæjos aigek, ja si avčotek buoremusat sin ječasek rika olbmuid dokko vuolggemest.

Buok avisain,

mak gavdnujek mailmest prentijuvvujek 68 juokke duhatet engelas gilli.

Serbien gonagusa

namæa læ Pietar, son læ čallam gonagas Viktor Emanueli, atte jos Serbien baggijuvvu hæittet buok politikalaš ja našonalaš gaibadusaid, de son vuolasbigja su krunos ja vuolga erit ædnamest oktan su barnines.

Roma pave

læ dal garraset ridalæme arbe alde.

Arvo mielde 8 miljon

olbmui assek dal Londonest dam ođđa-sæmus olmušlokkama mielde. Dobbe dat læ olbmui manna dego suoksa.

Ædnag olmušsorbmiuvvumak

muittaluvvujek olggorikain ja fastes mænnoðamek olbmui hæga diti.

Gieskad sorbmijuvvui okta poastalmai Rumæniast. Muttom čovječuoggo Berlinast čuggi 4 nissona ja havvadutti siv. Okta sist jami.

Vække boatta!

Hr. Johs. T. Hansen, Bergen!

Mon læm adnam Din apparataid likkoin ja læm hui duttavaš dalkastemin, go mon dal læm ollo adab. Dal matam mon dakkat mu barggom alma balotaga bagjelgačamest. Sæmma lakai matam mon vazzet hui gukkes gaskaid soabbetaga, mi læi vægjemættom ouddal. Mon læm gædnegas Din gitet dam oudast, atte mon læm dam maðe dærvas, ja falam Din ustebidi ja oappasidi. Gudneb.

Anne Johannesen Vikholmen, Helgeland. Vaibmovikke. Vuollaimærkašegje sadde hr. Johs. T. Hansen i, Bergenest su vai-molæmus gitos dam oudast, maid Di lepet dakkam mu barne vuostai, dasgo buok dalkastegjin, gæid son læ occam dam davddi, lek Don dat aidno, gutte lek dærvasmattam su.

N. I. Lange, Sydnæskl. 15, Bergen.

»Kristiansundsposten« čalla 6/4 1908: Hr. Johs. T. Hansen, Bergen. Din apparataid birra læp mi gullam dušše ramedegje sardnomušaid, nuft atte dat læ suotas mijjidi diedtet videdeme birra.

Dak ædnag buoccek ja gillajægjek, gok dam ragjai lek occam duššas væke, sattek dal lagjet šaddo mu ja æraid fuobmašæmest. Brevva 85 øra frimærkaigum poastadressain Johs. T. Hansen, Bergen.

Fuobma dam!

Ođđa girje.

Okta ođđa Samegiel girje læ dal garvanam. Dam girje namma læ:

»Lækgo du suddok dudnji andagassi addujuvvum,« ja dat læ čallujuvvum muttom engelas bismast, gæn namma læ I. C. Ryle, ja mi læp dam jorggalam Ruodagielast. Dat girje maksa 30 øra, ja jos poasta mielde saddijuvvui, de maksa 5 øra æmbo. Gutte dam girje halida, son čallus mijjidi ja saddijekus 35 øra; frimærkak maidai vuostaivaldujuvvujek.

Norga 1905.

Sisasaddijuvvum H. A. Henriksenest Tanast.

(Lasse oudeb nummari.)

De šaddai ovtamielalašvuotta gievrran Norgast. Høire ja venstre dovdaiga

ovta nannoset, atte vanhemædnam vuostai læi čajetuvvum bigjadus, ja stuoradiggest 8. februar sarnoi staminister, atte Norga dilalašvuotta unionast læi gierddamættom. Ræddetus i valddam laiddejume, manditi nubbe statafabmo, stuoradigge, 18. februar bijai ovta komite (specialkomite), mast legje 19 olbma čoaikkaibigjum moadelagaš partiain; dat komite galgai ouddanbuktet arvvalusa stuoradiggai dam birra, mi dal læi rievttamus dakkat. Dam bodda biedgani ræddetus, vaost stataradak Michelsen ja Schønning 28. februar æro ocaiga ja dasto æra mieldelattok ræddetusast æi matam valddet ješvastadusa alasek ovta breva diti, maid kronprinsregenta bæi ve mañgel aigoi saddet specialkomite oudastolbmai, gutte iøl antmanne Prebensen. Brevva læi čallum 28. februar. Mañgeb bæive sisaaddi Hagerup su ræddetussases æro occamid, ja kronprinsregenta saddi brevas bæive mañgel. Æppedkætta læi dat breva sivvan dasa, atte 16 dam 19 mieldelattost šitte ja ouddanbukte arvvalusa stuoradiggai, atte rakadæt laga ječas konsulaidi Norgi ja bigjat da mærradusa dam laga sisa, atte dat galgai fabmoses šaddat jage mañgel, namalassi 1. april 1906. Dam mærradusa bokte eritvalddujuvvui buok jurda dam ala atte daro olbmaid væketet, atte gonagas fabmo mati dakkat biettalam vuoiggadvuoda-dam laga vuostai. Odelsdigge buorrenvaldi ovtamielalažat laga 18. mai ja sæmma lakai lagadigge 23. ja 27. mai ouddanbigjui laka stataradast gonagasa lutte Stockholm šlottast sankšunerijuvvut. Darolaš statarada-avdeling læi staminister Løvland ja stataradak Hagerup, Bull ja Bothner. Vaiko stataradak čielggaset ouddandolle daid oaidnemættom vejolašvuodaid, maid sankšonbiettalæbme mati buktet mieldes, biettali almake gonagas Oskar sankšoneremest, ja biettali, atte ašše vurkkijuvvu statarada arvvalusa vuollai Kristianiast. Gonagas Oskar biettali obbanassi boattemest dokko. De sisaaddi obba ræddetus sæmma čoaakkemest æro-occamid ja sæmmast celkkujuvvui, atte juokke daro olmai, gutte aigoi addet væke sankšonbiettalæbmai, aigoi læt vanhemædnamtaga. Dallanaga vulgi darolaš ræddetusavdelig Stockholmast erit, dam ruotalaš oaivvegavpugest ja vuostaivaldujuvvujek-

je buoremus lakai Kristianiast. Si æi šaddam æmbo goassege ruoktot vuolget Stockholmi. Mañgelgo ræddetus ja specialkomite læiga arvvalam, mi vidasæbbot galgai dakkut ja go stuoradigge dappum uvsai siskabælde læi diskuterim aši birra, boði ræddetus 7. juni stuoradiggai ja bigje sin ammatidesek stuoradigge gitti, go si æi datom bissot æmbo nuftgo gonagas Oskar ræddeadden. Stuoradigge adnomuša mielde mielæti Michelsen, atte ræddetus galgai čuožžot nuftgo okta stuoradiggest bigjujuvvum darolaš ræddetus, ja sæmmast rakadi stuoradigge ovtamielalažat ovta adressa gonagas Oskari, man siste muittaluvvui, atte darolaš gonagasfabmo læi nokkam ja atte union dam gæčeld læi biedganam. 5 stemma legje adressast dam arvvalusa vuostai, man bokte arvvaluvvui, atte gonagas Oskar galgai væketet ovta su barnin daihe agjobin goargnot Norga truono ala. Ræddetus læi brevast diedtetam, maid gonagas Oskar oazoi iðdedest, atte sin ammatid si aiggok bigjat stuoradigge gitti. Ræddetus ja stuoradigge čajetæiga gonagas Oskari, atte si persovnalazažat su allaget adne arvost. sæmma bæive boði telegramma gonagas Oskarest, maina son vuostalasti stuoradigge ja ræddetus mænnoðusa. Go stuoradiggečoaakkem nogai, vurdno alemus soatteolbmak oskaldasvuoda dam ođđa stivrimvuokkai ja asatussi. Vuorbbe læi balkestuvvum. Ruoktot maccat i læm jurdašæmest. Burist rakkæneme mañgel læi aiggevalljujuvvum, ja buok læl garves vastedet dam, mi læi dakkujuvvum, ja mi vastadusaid gaibeduvvui. Darolaš partisoatte, mi eritjavkai ja dat jotteles bajedæbme Norga ašest, buvti Ruotariki lagamusat gielates suorgganeme ja hirmastume. Olggoædnamast legje buokak ovtamielalažak, atte daggar soabalaš revolušona, nuftgo dat goččujuvvui, læi olles oðas mailmehistoriast. 7. juni i læm mikkege revolušonaid, mutto 27. mai, goas gonagas biettali sankšoneremest ovta stuoradiggest ja ræddetusast ovtaradalažat rakaduvvum laga, vaiko diði, atte i oktage olmai Norgast valde bagjelasas dam vuodđolagast gaibeduvvum ješvastadusa sankšonbiettalæmest. Diedtetus dam birra, mi læi dpatuvvam, vuostaivaldujuvvui Norgast birra buok iloin ja maidai duodalašvuodain; diedostge læi aigge daggar, man siste fertti vuordet vaiko mi.

(Lasetuvvu.)

»Nuorttanaste« čalle, prentejægje ja olgusadde læ G. F. Lund Sigerfjord, Vesteraalen.